

مرند اۆيکو

Mərənd öykü



چتير

يازار: دكتور مير هدايت سيد مرندی

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

چتير

دکتر ميرهدايت سيد مرندي

کيچيک قيز، رنگي بوزارميش اوخول چانتاسيني اليه آليې ، دقيقه لريدي جاماکیداکي چتيره باخیردي. بېردن گوزو ماغازاداکی ساعاتا ساتاشيب يئنه گئج قالديغيني دوشونوب ، آغيز سويونو اودوب گئري يه دونوب ، قاچماغا باشلادي . کوچلر پالچيقيدي و اونون يئکه آياق قابي لاري ، پالچيقي داملاارين گويه قالديريې و اونون آرينجا سپه له بېردي .

قلبي چيرپينا- چيرپينا اوزون اوخولا آتدي . درس اوتاغينين قاپيسين چاليې ، جواب بکلمه دن ، قاپيني آچيب ايچه ري گيردي . صوراتي پورتموشدو . اونون گيريشيله ، سانکي قورباغا گولونه داش آتديلار . هم خانيم موعليم- همده باشقا اوشاقلار سوسوب ، بير سس چيخارماديلار .

چاره سيز گوزلريني خانيم موعليمين گوزلرينه تیکدي . گوزلرينين چيرچيوه سي ياشلا دولوموشدو . خانيم موعليم اونون يالوارار گوزلريني گوررکن باشيلا صندلي سيني گوستريب اوتورماغا ايدين وئردی .

قیز يئرینه ساري يولا دوشدو . اوشاقلار بېردن بېره ، پيقيلاديلار . گولمک سس گورولتوسو، اوتاغي بورودو. قیز اوتانا - اوتانا يئرینه چاتيې اوتوردو ، قافاسي فيرلانيردي ، هئج بير سس ائشيتميردي .

بو نئچنجي گونويدو کي يوبانيردي . سحر چاغي ائودن نه قدر تئز چيخيردي ، ماغازا جاماکیسينا چاتارکن ، سانکي اونو سحر ائديرديلر ، آدديلاري قورويارق ، جاماकिनين اؤنوده قاليردي .

اوخول بيتندن سونرا دا ، ائوه گئدرکن اؤز- اؤزونه دانيشاردی. باشقا اوشاقلار اونو تاخيم لارينا آلميرديلار و او يالنيز گليب – يالنيز دؤنردي. يولدا بعضي اوشاقلار اونون پالتارلاريني و ياخود آياق قابي لاريني، بېربېرنه گؤستريب اوجا سسيله دئيرديلر کي بو منيم دير، آنام اونلارا وئرب دير. اودا ائشيديرکن آغلاييب آغليا – آغليا ائوه چاتاردی.

آناسي قونونو بيليردي، اما اليندن بير ايش گليردي. او زاماندا کي اونون کيشي سي، بيرينه قويو قازاندا، قويو چؤکوب و او مينلر باتمان تورپاق آلتيندا قويلانيې، تکينه مجبور قاليې ورملي سینه سيله، اونا – بونا ايشله سين، تا قارينلارين دويورسون، داي بير پول آرتيرانميردي جاماکیداکي چتيري آليې، قيزيني آرييسينا چاتديرسين.

قیزین رنگی، گون به گون سارالیب سولقونلاشیردی. آناسی قورخوردو اولمویا، قیزی اوندان ورم خسته لی توتמוש اولا . آما گوروردو قیزی اوسکورمور، فقط هر زامان فیکره جوموب آر دانیشیر. ائوه چاتارکن چانتاسینی کنار بوراخیب، سوپورگه نی قاپیب ائوی سوپوروب، قابلاری یویوب یئرخالاییب، سونرا آناسی یویان قونشو اوشاقلارینین اسکی و پالتارلارینی، شریته سرب، قوروپان پالتارلاری توپلاییب، تمیزجه بوکوب، سونرا اوتاغا قاییدیپ اوخول تکلیف لرینی یازماغا باشلاییردی.

قیز تکلیف لرین بیتیرندن سونرا گۆزلرین یوموب، یاخود بیر نوقطه یه اویاردی. قیز هنج زامان، بویوک آریسینی کیلمسه یه، حتتا آناسینا بئله دئمه میشدی. گنجه لرده چتیر آری سیلا یاتیردی. یوخو گورردی، قارنی آجلیقدان قورولدامیر، اوشومورده، جاماکی داکي سنودیپی چتیری اله آلیب اوشاقلارا گۆستریر. هامان تاختا ال ساپی، هامان پوتا اوشاق رسیم لری اوزه رینده، ... آما یوخودان دورارکن، ائوی بوش گۆروب قول قانادی قیریلاردی.

بیر گون اوخولدان ائوه چاتاندان سونرا ایسته دی چانتاسین کنار بوراخسین، گۆزو ائوین قارانلیق گوشه سینده قورودو. آر قالدی قلبی چیرپینماقدان واز گنجیب دیانسین، بیردن ایسته مه میش بیر سس چیخاردیب گوشه یه آتلاندى، نیه کی آناسی اونا دئمه میش چتیری آلیب، آجیق حالدا ائوین دورا کناریندا قویموشدو کی قیز گلیب گۆرسون.

قیز چتیری اله آلیب نچه دفه آجیب- باغلادی. حیطه ساری قاچدی. آناسی گۆز آلتی لا اونا باخیب گولومسوردو.

- قیزیم هارا ...؟! ایندی کی قار یاغمیر! کوچه ده اوشاقلار سنه گولرلر.

قیز گۆیه باخدی. نی یه گویده بولود آزدی؟! بو دفه او دا ایستیردی هاوا قارلا سین. اودا قاری سنویردی.

آناسی دئییردی: قارا بولودلار کاسییلاردی کی آغ بولودلارلا چاققیشیب، آغلایب گۆز یاشلاری قار- یاغیش دامللاری اولوب یئر توکولورلر. قیزین گۆزلری بولودلاردایدی. بولودلاریندا گۆزلری اوندایدی. قارا بولودلار بیردن بیره حرکت گلدیلر و آغ بولودلار ساری یولا دوشدولر.

هاوا توتقونلاشدی، بولودلارین حرکتیله، آغاش بوداغلاری حرکت کئچدی. یئلین بوداغلار ایچینه گزمه یی، بیر گوزل سیزیلتی سسینی هاوا قالدیردی. قیز چتیری الینه آلیب، کوچه یه ساری

قاچدي. قونشونون اوشاقلاري اونو گۇررکن باشينا توپلانديلار. سس سسه وئريب، چتري اليندن
آلماق ايسته ديلر. قيز اوزونو آن خوشبخت آدام سانيب گولوردو. يئلين کوفولدوسويلا اودا گۇيه
آتيليب دوشوردو. چتيري ده يئلين ايچينده اويناديپ هاوايا قالديريپ، تووويلا انديريردي. اوشاقلار
اونونلا برابر گولوب سس ساليپ کوچه ني باشلارينا گوتورموشدولر. بيردن بيره، چتيردن بير سس
چيخدي، چتيرين سيملري گويه ساري قاتلانديلار.

قيزين اوره يي تۇكولدو، چتيري گۇزونون اونونه توتدو. اينانا بيلميردي. قيزين بوغازيني بير شئي
توتموشدو. اوشاقلار سوسموشدولار. اوشاقلارين اوزونه باخا بيلميردي. چتيري اله آليپ باشيني
آشاغيا ساليپ ائوه ساري يولا دوشدو.

چتيرين سيم لري قاتلانيب سينميشديلار.